

¡BOMBA!

En economía el socio
comenta sin elegancia:
hoy festejar a la infancia
es pretexto de negocio



K'untzil

Edición de fin de semana, del viernes 29 de abril al domingo 1° de mayo de 2022

CAMPECHE · YUCATÁN · QUINTANA ROO · AÑO 7 · NÚMERO 1725 · www.lajornadamaya.mx

XKOK ÁAK

TUMEN U K'ALMAJUBÁAJ TU BEELE'
MA' TU YUTSTAL U JÁAN JAANTA'AL

Áake', *Terrapene yucatana*, k'ajóolta'an beey "de caja amarilla", yéetel ma' táan u jáan jaanta'al tumen u jeel ba'alche'ob tumen kéen u yu'ub sajbe'entsil yanik u kuxtale' ku k'alikubáaj tu sóol paach, le beetik ma' tu jan loobila'al, beey tu tsolaj jbioologóo Luis Díaz Gamboa, máax jo'olbesik Red para la Conservación de Anfibios y Reptiles de Yucatán.

"Ku ya'alal k'aank'an u paache' yóok'lal bix u boonil u yoot'el le áako'. U xch'uupulile' lelemáankil u k'aank'anil, ts'óokole' óoli' beey jump'éel chan kaaja' u paache', ts'óokole' óoli' beey jump'éel chan joolnaj yanik le tu'ux ku jatspajal ichil u sóol paach, le je'elo' k'ajóolta'an beey plastrón, le beetik kéen u yu'ub sajakil wa sajbe'entsil yanike', ti' ku ta'akikubáaji", tu ya'alaj Díaz Gamboa.

Ba'alchee' siijil tu Petenil Yucatán; asab ya'ab suuk u yila'al Yucatán, ba'ale' kex beyo' yaan xan Kaanpech yéetel Quintana Roo'. Áake' ti' lu'um ku yantal yéetel ti' k'áax kaja'an, tu'ux ku yantal u siis tuunich.

Ichil 15 tak 20 cms u nojochil (u xch'uupulile' asab nojoch ti' u xiibil), óoli' jump'éel kiilo u aalil. Chika'an u xch'uupulil tumen u poole' k'aank'an yéetel u xiibile' óoli' maas chan sáask'ale'en u boonil, ts'óokole' tu bak'pachil u yiche' yaan jump'éel ch'ooj wóolis. Beyxan u sóol u paache' k'aank'an. Tu yook'obe' yaan u yíich'ak yéetel le ku béeytal u machikubáaj tu beel te'e lu'umo'.

ROSARIO RUIZ

OOCHEL PEDRO E. NAHUAT

ESPECIAL: FAUNA NUESTRA | P. 45 TAK 47